

GEMENGEROT

VUM 15. MÄERZ 2024

Present: de Buergermeeschter Félix Eischen (CSV), d'Schäffe Marc Bissen (LSAP) a Romain Kockelmann (CSV), d'Gemengeconseillere, Cheryl Binck-Geschwind (CSV), Bonifas Larry (déi gréng), Guy Breden (CSV), Maryse Frantzen (DP), Natacha Koch (CSV), Guy Kohlen (CSV), Patrick Krecké (DP), Claudine Meyer-Deitz (LSAP), Max Molitor (LSAP) a Nathalie Noesen-Heintz (LSAP)

Entschëllegt: /

Ufank vun der Sëtzung: 08.30 Auer

All Punkte vum Ordre du Jour, mat Ausnam vun de Punkte 4, 5.1. a 19 goufen eestëmmeg ugehall.

KOMMUNIKATIOUNEN

D'Madamm Claudine Meyer-Deitz (LSAP) informéiert datt op der Konferenz vum CNFL (Conseil national des femmes du Luxembourg) matgedeelt gouf, dat d'Gemenge kënne Subside kréie wann hier öffentlech Gebaier accessibel fir Rollstill sinn. Wann d'Gemeng d'Gebaier renovéiert a nei baut sollen d'Servicer vun der Gemeng dat mat berücksichtegen.

Den Här Guy Kohlen (CSV) informéiert datt d'Gemeng Leideleng wëll Member vum SICA ginn. D'Berechnung vum finanzielle Volet vun dësem Bäitritt, dee vun all de Gemengeréit déi Member am SICA si muss approvéiert ginn, ass amgaang. De SICA huet eng Entrevue mam Ëmweltminister gefrot wéinst dem Subsid vum neie Recyclingszenter. D'SNHBM (Société Nationale des Habitations à Bon Marché) huet dem Office social matgedeelt dat d'Wunnengen net méi mat enger Kichen equipéiert gi, well dës relativ séier mussen ersat ginn.

D'Madamm Nathalie Noesen-Heintz (LSAP) invitéiert de Gemengerot de 26 Abrëll 2024 op Keespelt à d'Hall Mukeme fir den Optrëtt vum Här David Goldrake.

D'Madamm Natacha Koch (CSV) deelt mat datt am VeWa (Hall Vestiaires et Wagonnage) zu Diddeleng iwwert déi nei Kommissioun vum interkulturellen Zesummeliewe geschwat gouf. Si huet do gefrot wéi zu Diddeleng deen neie grouss Wunnprojet mam Rescht vun den Dierfer verbonne gëtt. Hei gouf et keng kloer Äntwert well Diddeleng dee Problem net kennt. Bei hinne sinn d'Sproochecoursen an de „Café des langues“ gutt besicht.

De Buergermeeschter Félix Eischen (CSV) informéiert dat d'„Maison pour tous“ soll am Fréijoer 2025 opgoen.

Den Nationalfeierdag gëtt dëst d'Joer um Virowend gefeiert well déi groussherzoglech Koppel d'Awunner vun der Gemeng Kielen

den 22 Juni 2024 besiche kënnt. D'Veräiner ginn ugeschriwwen fir dass déi sech am Kader vun dësem Event kënne virstellen. Den Empfang ass virun der Musekschoul mat engem Tour duerch de Schoulhaff wou Aktivitéiten ugebuede ginn. Eng Visite vum CIPA ass och virgesinn.

1. Gemengereglement fir d'Locatioun an d'Notzung vun de mobille Spullmaschinnen

Spullweenchen a Spullwon, vun der Remork mat Frigo an der mobiller Buvette „PEKI“

De Schäfferot vun der Gemeng Kielen proposéiert d'Konditiounen fir d'Notzung an d'Locatioun vum Spullweenchen, PEKI an der Remork mat Frigo unzepassen a fir all dës Gefierer an engem Reglement ze regroupéieren. Deemno hält de Gemengerot d'Reglement fir d'Locatioun an d'Notzung vun de mobille Spullmaschinnen, Spullweenchen a Spullwon, vun der Remork mat Frigo an der mobiller Buvette „PEKI“ fest.

2. Taxereglement fir d'Locatioun vun der Remork mat Frigo – Annulatioun

Beim éischte Punkt vun dëser Sëtzung huet de Gemengerot en neit Reglement fir de Spullweenchen, de Spullwon, d'Remork mat Frigo an de PEKI festgehale. Dozou kënnt, dass beim 3. Punkt vun dëser Sëtzung iwwert en neit Taxereglement fir de Spullweenchen, de Spullwon an d'Remork mat Frigo oofgestëmmt gëtt. Deemno ass et vill méi simpel a sënnavoll fir déi alldéeglech Gestiouen vun eise Gefierer, déi a Locatioun gesat ginn, all zesammen an een Taxereglement ze regroupéieren. Also annulléiert de Gemengerot d'Taxereglement vum 13 Dezember 2019 bezüglech der Locatioun vun der Remork mat Frigo.

3. Taxereglement fir d'Locatioun an d'Notzung vun de mobille Spullmaschinnen Spullweenchen a Spullwon, vun der Remork mat Frigo an der mobiller Buvette „PEKI“

An deem Kontext, proposéiert de Schäfferot vun der Gemeng Kielen Taxe fir d'Locatioun an d'Notzung vum Spullweenchen, d'Remork mam Frigo a PEKI ze modifizéieren esou wéi eng Taxe fir de neie Spullwon anzeféieren an dës Taxen dann all an engem Reglement ze regroupéieren. Dermadder fixéiert de Gemengerot Taxen déi d'Gemeng dierf erhiewen am Kader vun der Locatioun an der Notzung vun dëse Gefierer.

4. Internt Reglement iwwert d'Prozedur fir d'Kanner an déi verschidde Schouklasse ze verdeelen

Dat internt Reglement iwwert d'Prozedur fir d'Kanner an déi verschidde Schouklasse ze verdeelen gouf den 19 Februar 2024 vun der Schoulkommissioun aviséiert.

Am Cycle 1, 2, 3 a 4 ginn et nei Konditiounen well d'Gemeng sech op d'Schoul Elmen präparéiert, well d'Rentrée am September 2025 virgesinn ass. Elmen gëtt eng Quartierschoul an d'Klasse solle beschtméiglech equilibréiert sinn. De Service Enseignement stellt pro Cycle zwou Gruppen op: e Grupp mat de Kanner vun Ollem an e Grupp mat de Kanner vun deenen anere Lokalitéiten aus der Gemeng Kielen. Falls den Equiliber net garantéiert ass, decidéiert de Schäfferot op Basis vun dësen 2 Gruppe wéi eng Kanner wiesselen, dëst a Concertatioun mat den Eltere vun de betraffene Kanner. Bei engem Desequiliber vun de Klasse bestëmmt de Schäfferot wéi vill Kanner vun enger op déi aner Lëscht wiesselen solle wat fir Nouspelt an Ollem gëllt an dëst wéinst der Proximitéit an der Organisatioun vum Schoultransport. D'Familljesituatioun gi berücksichtegt an d'Eltere gi kontaktéiert fir d'Schoul ze wiesselen. Eng Verlosung ka gemaach ginn a Presenz vun engem Elterevertrieeder a vun engem Member vum Schoul-

comité. Bei munche Fäll gëtt ee gewëssenen Desequilibrium akzeptéiert. Fir d'Opstelle vun dësem Reglement ass sech vill Zeit geholl ginn, an der Gemeng hir absolut Prioritéit ass d'Wuel vun de Kanner.

5. Naturpakt

5.1. Ernennung vun engem „Naturpaktschäffen“

A senger Sëtzung vum 17 Dezember 2021, huet de Gemengerot de Kontrakt „Pacte Nature 1.0“, deen tëschent dem Staat, representéiert duerch d'Madamm Carole Dieschbourg, Ëmweltministesch, an der Gemeng Kielen, representéiert duerch hire Schäfferot, ënnerschriwwen gouf, approvüiert. D'Annex II vun dësem Kontrakt gesäit vir dass d'Gemeng sech engagéiert fir engem vun de Membere vum Schäfferot de Suivi vun der Ëmsetzung vum Naturpakt unzevertrauen. Deemno, gëllt d'Ernennung vun engem „Naturpaktschäffen“ als Virbedéngung fir kënnen beim Audit uegoll ze ginn. Doropshi proposéiert de Schäfferot den Här Marc Bissen (LSAP) a senger Funktioun vum „Naturpaktschäffen“ ze bestätegen. An deem Kontext ernennt de Gemengerot den Här Marc Bissen (LSAP) als „Naturpaktschäffen“.

5.2. Ernennung vun de Membere vum Aarbechtsgrupp „Naturpakt – Team“

No der Deliberatioun vum Gemengerot vum 15 Juli 2022 betreffend der Grënnung an der Zesummesetzung vun engem „Naturpakt-Team“ an entspreichend dem Artikel 2 vum Kontrakt „Pacte Nature 1.0“, ass d'Gemeng gefuerdert en „Naturpakt-Team“ opzustellen dat, nodeems eng Bestandsopnam gemaach gouf vun der ursprénglecher Situatioun wat d'Protektioun vun de natierleche Ressourcen ubelaangt, ënnert der Leedung vun engem „Naturpakt-Beroder“, en Aarbechtsprogramm ausschafft. Unhand vun engem geheime Vott ernennt de Gemengerot d'Membere vum „Naturpakt-Team“ dat sech da folgendermoossen zesummesetzt:

Member vum Schäfferot	Marc Bissen
Gemengebeamten	Dan Muno
Fierschter vun der ANF fir den Territoire vun der Gemeng Kielen	Daniel Steichen
Member vum der Gaardenekipp	Manuel Kauffmann
Member vun der Ëmweltkommissioun	Cheryl Binck-Geschwind
Bauer	Philippe Matge
Bauer	Franky Peller
Member vum Gaart an Heem Kielen – Ollem	Marc Maas

Member vum Gaart an Heem Keespelt - Meespelt	Guy Scholtes
Naturpakt - Beroder	Fernand Klopp
Employé vum SICONA (Naturpakt)	Maryse Leiner

5.3. Net betonéiert Flächen an de neie Wunnzonen (PAP) vun der Gemeng Kielen am Kader vum Naturpakt

D'groussherzoglecht Reglement vum 30 Juli 2021 ëmfaasst e Katalog mat Mesuren am Kader vum Naturpakt an zwar och de Punkt 2.13 betreffend der Erhaltung an de Förderung vun de net versigelte respektiv net ofgedichte Flächen am stätteschem Milieu. Et ass wichteg ze erwänen dass d'Gemeng sech an dësem Volet vum Naturpakt wëll investéieren, ouni natierlech d'Wichtigkeet vun deenen aneren Aspekter, déi dëse Katalog virgesäit, ze vergiessen. Deemno decidéiert de Gemengerot e gewëssene Pourcentage vun net versigelten, respektiv deelweis versigelte Flächen, an deenen Zone wou Leit circuléieren an Autoe kënnen geparkt ginn, innerhalb vun deenen neie Wunnquartieren (PAP), z'imposéieren.

5.4. Strategie fir de Schutz vun der Natur an dem Waasser vun der Gemeng Kielen, konform zum Punkt 1.1 aus dem Mesurékatalog vum Naturpakt

An senger Sëtzung vum 16 Dezember 2022 huet de Gemengerot Strategie fir den Ëmweltschutz am Kader vum Naturpakt gutt geheescht. Den Ëmweltministère respektiv eise „Naturpakt-Beroder“ huet d'Gemeng driwwer informéiert, dass d'Gemeng beim Punkt 1.2.3. „Vorstellung der Gemeinde“ vum Mesurékatalog hätte misste méi Informatiounen uginn. Doropshi gouf dës Dokument vervollstännegt, andeems d'Gemeng Kielen besser virgestallt gouf. Deemno stëmmt de Gemengerot op en Neits iwwert d'Strategie fir de Schutz vun der Natur an dem Waasser vun der Gemeng Kielen of.

6. Confirmatioun vun dréngende Verkéiersreglementer vum Schäfferot

6 dréngend Verkéiersreglementer déi de Gemengerot confirméiere soll gi presentéiert: an der „rue Napoléon 1er“ zu Ollem ginn Aarbechten um Reseau ausgefuert tëschent dem 22 Februar 2024 an dem 15 Mäerz 2024; ab dem 11 Mäerz 2024 bis zum Ofschloss vun den Aarbechte ginn an der Industriezon zu Kielen vun der Post Kabele verluecht; an der „rue Brameschhof“ bis bei d'Haus N°12 vun der „rue des Champs“ zu Kielen gi vum 04 Mäerz 2024 bis de 04 Abrëll 2024 Gaine verluecht; vum 11 Mäerz 2024 bis den

12 Abrëll 2024 ginn, an der Gassel zu Kielen Glasfaserleitunge geluecht vun der Post; an der „rue de Nospelt“ zu Kielen gi vum 11 Mäerz 2024 bis den 12 Abrëll 2024 vun der Post Glasfaserleitunge geluecht; dat selwecht fir d'„rue d'Ollem“ zu Kielen, och vum 11 Mäerz 2024 bis den 12 Abrëll 2024.

7. Modifikatiounen vum Verkéiersreglement an der Gemeng Kielen

Den technesche Service proposéiert eng Rei Modifikatiounen vun eisem Verkéiersreglement:

- D'Aféiere vun „Treffpunkten“ a Zone wou et verbueden ass ze parken;
- E Parkverbuet op der Säit vun de Haiser mat gerueden Hausnummern an der „rue du Moulin“ zu Dondel;
- Parkplaze fir Motorrieder an der „rue de Meispelt“ zu Keespelt;
- Ab der Rousestrooss bis bei de Kiem zu Ollem gëtt en obligatoresche Wee fir Vëlofuerer a Foussgänger, Parkplazen a Parking, déi kënnen bis zu 48 Stonne genotzt ginn, an eng Wunnzon amenagéiert;
- D'Opstellung vun engem Dräieck jeeeweils op der Kräizung tëschent dem Bierkewee a der Groussgaass an op der Kräizung tëschent dem Bongert a der Groussgaass zu Ollem;
- D'Aféiere vun engem obligatoresche Vëloswee a Foussgängerwee tëschent dem Eechewee an der Rousestrooss zu Ollem;
- D'Opstellung vun engem Dräieck op der Kräizung tëschent dem Fussewee an der Groussgaass zu Ollem esou wéi d'Amenagement vun engem Parking a Parkplaze bis zu 48 Stonnen an enger Wunnzon;
- D'Aféiere vun engem obligatoresche Vëloswee a Foussgängerwee um Wee tëschent Op der Gewan a Beim Park zu Ollem, esou wéi d'Opstellung vun engem Dräieck op der Kräizung mat der Schoulstrooss;
- D'Aféiere vun engem obligatoresche Vëloswee a Foussgängerwee an der Groussgaass zu Ollem esou wéi e Foussgängeriwewergank, e Parkverbuet, en Halteverbuet, 5 Busarrëten, eng Zon 30 tëschent dem CR103 an der Rousestrooss, en Treffpunkt an eng Zon an der et verbueden ass ze parken;
- Am Huesepad zu Ollem gëtt d'Stationéieren an d'Parke bis 48 Stonne gereegelt an et entsteet eng Wunnzon;
- D'Opstellung vun engem Dräieck um Käschteewe zu Ollem an zwar op der Kräizung mat der Groussgaass an d'Aféiere vun engem gereegelte Stationéieren a Parke bis 48 Stonnen an der Wunnzon;
- D'Aféiere vun engem obligatoresche Vëloswee an engem Foussgängerwee um Kiem zu Ollem;

- Um Kiischtewee, an der Lannegaass a um Prommewee zu Ollem gëtt en Dräieck op der Kräizung mat der Groussgaass opgestallt, d'Stationéieren a Parke bis 48 Stonnen an eng Wunnzon ginn agefouert;
- Fir de Kuebewee zu Ollem ass och en obligatoresche Foussgängerwee a Vëloswee geplangt, sou wéi e gereegelt Parke bis 48 Stonnen an eng Wunnzon;
- An der Schoulstrooss zu Ollem gëtt e Foussgängeriwergank, e Stoppschëld, eng Zon 30 bis den Eechewee amenagéiert, ab do gëtt bis Um Kiem eng Wunnzon esou wéi eng Zon an der et verbueden ass ze parken amenagéiert;
- D'Amenagéiere vun enger Wunnzon an der Schoulstrooss an an der Spatzegaas. An der Spatzegaas gëtt och en Dräieck opgestallt an d'Parke bis zu 48 Stonne gëtt gereegelt;
- Zum Schluss dann d'Weidegaass, hei gëllt lo d'Parke bis zu 48 Stonnen an et entsteet eng Wunnzon.

8. Nationalfeierdag 2023 – Don

De Schäfferot proposéiert den Don vun der Editioun 2023, an Héicht vun 2.500 Euro, op Propositioun vun der Kulturkommissioun, der Fondatioun Wonschstär vu Walfer ze accordéieren. Deemno approvéiert de Gemengerot dësen Don.

9. Lëtzebuurger Landesverband fir Beienzuucht - Don

Unhand vun hirem Bréif vum 9 Januar 2024, freet de Lëtzebuurger Landesverband fir Beienzuucht, am Kader vun hirem 92. Kongress vun den däitsche Beienzüchter, en Don vu 50 Euro pro Beienzüchter oder de Betrag deen d'Gemeng wëll ginn, un. Doropshi proposéiert de Schäfferot 50 Euro ze spenden. Deemno decidéiert de Gemengerot 50 Euro un de Lëtzebuurger Landesverband fir Beienzuucht ze spenden.

10. Croix Rouge Sektoun Kielen – Don

Unhand vu sengem Bréif vum 26 Februar 2024, freet den Här Edouard Kandel dass de Montant vum Arrangement, dat hien normalerweis am Kader vu sengem 85 Gebuertsdag geschenkt kritt hätt, un d'Sektoun Kielen vum Roude Kräiz gespent gëtt. Doropshi proposéiert de Schäfferot dësem Wonsch nozekommen an deemno 80 Euro un d'Rout Kräiz ze spenden. De Gemengerot wëllt dës Propos an.

11. UGDA – Concert National Youth Orchestra Luxembourg – Subsid

An hirem Schreiwes vum 23 Februar 2024, freet d'ASBL UGDA, am Kader vun hirer Tournée „National Youth Wind Orchestra

Luxembourg (NYWOL)“, e Subsid a Form vun engem Baitrëtt am „Comité d'honneur“ an Héicht vu 25 Euro, a Form vun engem Baitrëtt am „Comité de Patronage“ an Héicht vu 50 Euro oder „Protecteur du NYWOL“ wat 100 Euro entsprécht, un. Doropshi proposéiert de Schäfferot der UGDA 50 Euro ze spenden. Deemno approvéiert de Gemengerot dës Subsid an Héicht vu 50 Euro.

12. Nationalfeierdag 2024 – Visitt vun der groussherzoglecher Koppel – zousätzleche Kredit

D'groussherzoglecher Koppel huet bekannt ginn dass si d'Awunner vun der Gemeng Kielen de Virowend vun Nationalfeierdag besiche kënn an zwar den 22 Juni 2024. Den Oflaf vun dëser Visitt, déi 2 Stonne wäert daueren, muss grëndlech a genaust geplangt ginn, laut engem definéierter Plang. Bei dësem Event ginn d'Bierger an déi lokal Associatiounen mat agebonnen. Den Accueil vun der groussherzoglecher Koppel wäert um Schoulcampus Prince Guillaume zu Kielen stattfannen. D'Logistik, d'Parkplazen, de Transport déi mussen organiséiert gi wäerten héich Käschte mat sech bréngen an et sinn och vill Participanten erwaart. Deemno stëmmt de Gemengerot en zousätzleche Kredit vun 100.000 Euro.

13. Deponéiere vun de Statuten – Vlaamse Club A.s.b.l

D'ASBL „Vlaamse Club a.s.b.l.“ déi den 30 Januar 2024 am „Registre de Commerce et des Sociétés“ immatriculéiert gouf an hire Sätz zu Kielen huet, huet hir Statuten den 01 Februar 2024 am Sekretariat vun der Gemeng Kielen deponéiert. Iwwert dës Punkt stëmmt de Gemengerot net of, den Depot vun dësen Statute gëtt zur Kenntnis geholl. Hir Objektiv definéiert dës Associatioun follgendermoossen:

- de constituer un point de rencontre pour les Flamands et néerlandophones qui résident au Grand-Duché de Luxembourg ou dans les régions limitrophes
- d'établir des contacts avec tous les néerlandophones, ou toute autre personne qui s'intéresse à la langue néerlandaise, à la culture flamande ou la Flandre
- d'organiser des activités sociales, culturelles, de mise en réseau, récréatives et sportives ainsi que de toute autre activité qui favorise le contact avec la Flandre, sa population et sa vie culturelle
- d'organiser des activités sociales, culturelles, de mise en réseau, récréatives et sportives ainsi que de toute autre activité qui favorise le contact avec le Luxembourg, les régions limitrophes, sa population et sa vie culturel-

le sans négliger pour autant une ouverture et le rayonnement vers d'autres cultures

- d'organiser ses activités mentionnées au-dessus en partenariat avec des autres associations au Luxembourg, les régions limitrophes ou en Flandre
- d'établir une communication par des moyens divers avec la communauté flamande et les néerlandophones qui résident au Grand-Duché de Luxembourg ou dans les régions limitrophes
- de développer et maintenir des contacts avec les autorités luxembourgeoises et belges

14. Spezielle Busservice „Nightrider“

14.1. Kontrakt fir de Service vum Nuetstransport „Night Card“

Den neie Kontrakt bezüglech der Prestatioun un engem Nuetstransport „Night Card“, deen den 21 Februar 2024 tëscht de Gemeng, vertrueden duerch hire Schäfferot an der Societéit S.L.A. mat Sätz zu L-4910 Bascharage an der ZAE Robert Steichen a vertrueden duerch hiren Direkter, dem Här Sam Sales ënnerschriwwen gouf, fixéiert d'Konditiounen an d'Modalitéite bezüglech dem Abonnement „Night Card“ tëscht der Gemeng Kielen an der Societéit S.L.A. am Kader vun der Zurverfügungstellung vum Service „Nightrider“ fir d'Bierger vun der Gemeng an dës zu engem méi gënschtegem Tarif.

14.2. Taxe betreffend d'„Night Card“ am Kader vum spezielle Busservice „Nightrider“ - Modifikatioun

Opgrond vu senger Deliberatioun vun der haiteger Sëtzung bezüglech der Approbatioun vum neie Kontrakt fir d'Prestatioun vum Nuetstransport „Night Card“ a well d'Gemeng en Deel vun de Käschte vun der d'Organisatioun vum Service „Nightrider“ dréit, hält de Gemengerot d'Reglement bezüglech d'Afféieren an d'Benotze vum Service „Nightrider“ an der Gemeng Kielen fest, d'Festleeë vun de Präisser fir d'Benotze vum dësem Service mat abegraff.

15. Kommissiounen

15.1. Ëmwelt- an Energiekommissioun – Demissioun vun engem Member

Unhand vu sengem Bréif vum 01 Februar 2024, huet de Här Joël Becker seng Demissioun als Member vun der Ëmwelt- an Energiekommissioun agereecht. De Gemengerot approvéiert dës Demissioun an d'Kommissioun setzt sech deemno aus deene folgenden 12 Memberen zesummen:

N°	Nom & Prénom		Localité	Fonction
1	BREDEN Guy	CSV	Kehlen	Président
2	BINCK-GESCHWIND Cheryl	CSV	Kehlen	membre
3	BIVER Alain	CSV	Kehlen	membre
4	vacant	LSAP		Secrétaire
5	BLEI Joël	LSAP	Kehlen	membre
6	FRANTZEN Maryse	DP	Olm	membre
7	SCHMITZ Jean-Claude	Déi Gréng	Olm	membre
8	LANNERS Marc	neutre	Keispelt	membre
9	PICARD Marc	neutre	Kehlen	membre
10	SCHLEISER Franz	neutre	Kehlen	membre
11	PELLER Franky	neutre	Keispelt	membre
12	SCHAULS Roger	neutre	Keispelt	membre
13	SCHROEDER Claude	neutre	Kehlen	membre

15.2. Ëmwelt- an Energiekommissioun – Demissiou vum Sekretär

Unhand vu sengem Bréif vum 01 Februar 2024, huet den Här Joël Becker och seng Demissiou als Sekretär vun der Ëmwelt- an Energiekommissioun agereecht. De Gemengerot approvüiert dës Demissiou.

15.3. Jugendkommissioun – Demissiou vun engem Member

Unhand vu sengem Bréif vum 01 Februar 2024 huet den Här Joël Becker och seng Demissiou als Member vun der Jugendkommissioun agereecht. De Gemengerot approvüiert och dës Demissiou an d’Kommissioun setz sech deemno aus deene follgenden 12 Memberen zesummen:

N°	Nom & Prénom		Localité	Fonction
1	MASSARD Sandrine	CSV	Keispelt	Secrétaire
2	WOLFF Judith	CSV	Nospelt	membre
3	IANNIZZI Katrin	CSV	Kehlen	membre
4	BACK Joan	LSAP	Olm	Président
5	vacant	LSAP		membre
6	GREISCH Jessica	DP	Olm	membre
7	STAUDT Vanessa	Déi Gréng	Kehlen	membre
8	LUCAS Tania	neutre	Kehlen	membre
9	PELLIN Jean-Claude	neutre	Keispelt	membre
10	THILL Claire	neutre	Kehlen	membre
11	DELVIGNE Thierry	neutre	Keispelt	membre
12	ATTEN Manon	neutre	Olm	membre
13	BASTIAN Christian	neutre	Olm	membre

16. Compromis/ Servitude

16.1. Compromis fir de Kaf vun enger Parzell an der „rue de Keispelt“ à Meispelt

De Gemengerot approvüiert de Compromis vum 23 Februar 2024, laut deem d’Gemeng Kielen der SARL M2 Invest Partners vu Stroossen d’Parzell ageschriwwen am Kadaster vun der Gemeng ënnert der Nummer 1109/3375, Strooss, mat enger Fläch vun 0,05 Ar, Sektioon E vu Keispelt a Meispelt, situéiert um Uert „rue de Keispelt“, zu engem Präis vun 1000 Euro den Ar, soit en Total vu 50 Euro, ofkeeft. Dës Vente fënn fir den ëffentlechen Interessi statt, deemno gouf dës Parzell kaf fir Emprisen ze regulariséieren no der Erneuerung vun der „rue de Keispelt“ zu Meispelt.

16.2. Konventioun bezüglech enger Servitude fir d’Pos vun engem Kabel zu Kielen

D’Konventioun bezüglech enger Servitude fir d’Pos vun engem Kabel n°APV/WEA-KK-016 gouf den 13 März 2024 téschent der Gemeng vertrauden duerch hire Schäfferot an der Gesellschaft „Green Power Storage Solution (GPSS)“, mat Sëtz zu L-6869 Wecker, 1, Hauptstroos, vertrauden duerch den Här Patrick Witte „General Manager“ an den Här Philipp Fisch, „CTO“ ënnerschriwwen. Dës Konventioun betrëfft d’Parzellen déi am Kadaster vun der Gemeng ageschriwwen sinn n°1328/6926, mat enger Fläch vun 9,92 Ar, Wiss, n°1286/6813, mat enger Fläch vun 3,06 Ar, Strooss, n°1286/7217, mat enger Fläch vu 6 Ar, Strooss, all situéiert op den Uerten „Schaar“ an „In der Gruf“, Sektioon A vu Kielen an e Feldwee. Unhand vun dëser Konventioun bezüglech enger Servitude, erlaabt d’Gemeng Kielen der Gesellschaft „Green Power Storage Solution (GPSS)“ vu Wecker op déi genannte Parzellen a Feldwee e Kabel ze leeën. Dës Gesellschaft plangt de Bau an d’Exploitioun vun Agri-PV Anlagen um Territoire vun der Gemeng Kielen

17. Lotissementer

17.1. Lotissement vun engem Terrain an der „rue Michel Welter“ zu Ollem

De Projet vum Lotissement, dee vum Geometer GEOLUX GO 3.14 S.A. vu Bartreng fir d’Gesellschaft Antonissen Luxembourg vu Bäreleng den 22 Januar 2024 ausgeschafft gouf, gesäit vir d’Parzell n°758/1950, Sektioon B vun Ollem, Plaz, mat enger Fläch vu 7,82 Ar, situéiert um Uert „Rue Michel Welter“ an 2 Lousen ze splécken, nämlech 758/Lot1 a 758/Lot2 fir kënnen 2 jumeléiert Haiser ze bauen. An dësem Kontext, stëmmt de Gemengerot dësse Projet.

17.2. Lotissement vun engem Terrain an der rue d'Ansembourg zu Keespelt

De Geometer GEOLUX GO 3.14 vu Fenneng huet e Projet fir e Lotissement fir den Här an d'Madamm Noesen-Heintz den 12 Februar 2024 ausgeschafft. Dëse Projet gesäit vir 8 Parzellen, nämlech d'Parzellen n°81/1738, n°82/1739, n°82/1874, n°89/1011, n°89/1673, n°89/2203 a n°77, Sektioon E vu Keespelt-Meespelt, situéiert an der „rue d'Ansembourg“ zu Keespelt a 5 Parzellen ze splécken. An deem Kontext gouf och eng Konventioun de 6 Mäerz 2024 tëschent der Gemeng Kielen an der Madamm Noesen-Heintz ënnerschriwwen déi d'Infrastrukturearbechte bezüglech dem Lotissement vun de Parzellen an de Bau vun engem Eefamilljenhaus an der rue d'Ansembourg zu Keespelt soll reegelen.

18. SDK - SuperDrecksKëscht

18.1. Konventioun bezüglech dem Bäitritt vun der Gemeng Kielen bei der SuperDrecksKëscht (SDK) – Maison Relais boulevard Robert Schuman zu Ollem

Unhand vun der Konventioun bezüglech dem Bäitritt vun der Gemeng Kielen bei der SuperDrecksKëscht (SDK), déi d'Maison relais vun Ollem (12a boulevard Robert Schuman) betrëfft an déi de 27 Februar 2024 tëschent dem Schäfferot vun der Gemeng Kielen an dem Oeko-Service Luxembourg S.A. vum Colmer-Bierg ënnerschriwwen gouf, verflucht d'Gemeng Kielen sech d'Gestioun vun hirem Offall, a stännegem Respekt vu Qualitéit a nom Konzept vun der SDK ze verwierklechen. Dës Konventioun soll dozou féieren a Label ze kréien an zesumme mat der SDK e Preventiounsplang an e Gestionsplang, op Basis vun engem Inventaire vun allen Offäll déi bei der Tätegkeet vum betreffenden Etablissement entstinn, opzestellen. De Gemengerot approvüiert dës Konventioun.

18.2. Konventioun bezüglech dem Bäitritt vun der Gemeng Kielen bei der SuperDrecksKëscht (SDK) – Maison Relais rue de Nospelt zu Kielen

An dësem Zesummenhang approvüiert de Gemengerot d'Konventioun bezüglech dem Bäitritt vun der Gemeng Kielen bei der SuperDrecksKëscht (SDK), déi d'Maison relais vu Kielen (2 rue de Nospelt) betrëfft an déi de 27 Februar 2024 tëschent dem Schäfferot vun der Gemeng Kielen an dem Oeko-Service Luxembourg S.A. vum Colmer-Bierg ënnerschriwwen gouf.

18.3. Konventioun bezüglech dem Bäitritt vun der Gemeng Kielen bei der SuperDrecksKëscht (SDK) – Maison Relais rue Schoenberg zu Kielen

De Gemengerot approvüiert och d'Konventioun bezüglech dem Bäitritt vun der Gemeng Kielen bei der SuperDrecksKëscht (SDK), déi d'Maison relais vu Kielen (1a, rue de Schoenberg) betrëfft an déi de 27 Februar 2024 tëschent dem Schäfferot vun der Gemeng Kielen an dem Oeko-Service Luxembourg S.A. vum Colmer-Bierg ënnerschriwwen gouf.

19. Nei Verdeelung vun den zousätzlechen 9 Stonne Congé politique fir d'Gemengendelegierten

D'groussherzoglecht Reglement vum 6 Dezember 1989 stipuléiert datt e Supplement vu maximal 9 Stonne Congé pro Woch agefouert ginn ass fir all Gemengerot deen d'Veerdeelung vun dësem Supplement tëschent senge Membere festleet. Deemno fixéiert de Gemengerot déi nei Verdeelung vun den zousätzlechen 9 Stonne Congé politique réckwierkend op den 01 Januar 2024, fir Verrieder an de Syndikater oder an Associatioune follgendermoossen:

- 2 Stonne fir de Gemengeconseiller Marc Bissen
- 3 Stonne fir de Gemengeconseiller Guy Breden
- 2 Stonne fir d'Gemengeconseillère Nathalie Noesen-Heintz
- 2 Stonne fir d'Gemengeconseillère Natacha Koch

20. Devis fir d'Erneuerung vum Uewerflächenprofil an dem Verbotz vun engem Feldwee „Bei Kopleschterbësch“ zu Kielen

D'Asta huet en Devis, datéiert op den 18 Januar 2024, bezüglech dem Projet n°201358, fir e Montant vun 312.000,00 Euro TTC opgestallt. Dësen Devis ëmfaasst d'a Stand setze vun engem Feldwee während dem Exercice 2024 an zwar d'Erneuerung an de Verbotz vum Feldwee um Uert „Bei Kopleschterbësch“ zu Kielen. De Gemengerot approvüiert dëse Devis.

WELTER
Expertise Comptable & Conseil Fiscal

Comptabilitéit an Steiererklärungen fir
Betriber an Privatleit

Comptabilité et déclarations fiscales pour
entreprises et personnes privées

Buchhaltung und Steuererklärungen für
Unternehmen und Privatpersonen

Welter Sàrl

50A, rue de Mamer
L-8280 Kehlen

Tél : 26 10 35 26
info@welter-luxembourg.lu

www.welter-luxembourg.lu

